

Aruba Airlines den crisis awor buscando un suma urgente di \$6.3 miyon



ORANJESTAD (AAN): E aerolinea Aruba Airlines, tin di buska cueste loke cueste e suma di \$6.3 miyon pa awe, sino e lo no por bula mas cu e avionnan. Esey ta e noticia di mas espantoso cu mundo di aviacion local a haya, despues cu Diaranzon a bira conoci cu Hues a duna ordo pa suspende Onno de Swart como Director.

Tanto de Swart como Sr. Valles a wordo suspendi temporalmente como Director. Esaki sinembargo ta manca e compania, y pushe den crisis inmediato. A pone un persona temporal na e puesto, pero ta bay ta casi un mision imposible.

E pleito di e accionistanan, supuesto fondonan cu a desaparece y varios debe habri, ta pone e compania bira debil, y por paraliza tur cos un momento of otro.

Sinembargo e crisis di mas grandi, ta urgente! Esey ta cu e Aseguro di e tres Avionnan Airbus A320, ta caduca Diabierna. Si acaso e aerolinea no renoba e Aseguro, claro cu e avionnan no por lanta vuelo mas. Pa esaki nan mester di urgente e suma di \$6.3 miyon.

E siman aki, prome cu Onno De Swart a wordo

suspendi como CEO di Aruba Airlines, el a comenta na prensa cu un

di e problemanan grandi cu nan tin cu otro companianan tambe tin ta cu e problema cu e bolivar, e situacion no por sigui asina y tin cu haci algo. Otro companianan aya a tuma medidanan drastico caba y nan a keda atras. No por bisa si kico nan lo bay ta, pero lo bay haci cambio drastico den e maneho riba

vuelonan di Venezuela.

Dentro di un futuro cercano lo bay avisa riba e cambionan aki.

Aruba Airlines tin un total di 150 trahado y den exterior tambe tin hala di hende ta trahando, pues por bisa cerca di 300 empleado.

E mensahe interno a bay pa tur hende caba, pero apesar

cu a manda e mensahe, toch dado momento ora cu lesa e mensahe, ainda e no ta wordo absorba door pa cierto hendenan, pero despues di algun siman mas, ora cu tin tur cos bao di control y tur hende informa debidamente, e ora tur lo compronde, segun de Swart.